

重修滑縣志序

韓嬰有言不習為吏視已成事
此志之所由不可已也省與府
均有志而實皆合縣志以成書
誠使各縣志因時損益使邑中
古今事物翻卷可稽洵足資政

治而勵風俗滑縣舊志自乾隆
二十五年續修以來迄今百餘
載經嘉慶十八年兵燹後片板
無存雖間有收藏舊本多屬斷
簡殘編其間時事變遷今昔互
異恐遂致湮沒無聞蒐討纂輯

誠未可再緩矣 銀學識謏陋何
敢漫言修志惟前後三蒞是邦
風土人情具知梗概每念及此
屢擬舉行乃初任以檄調赴營
急如星火嗣又都中調取引

見卸篆息息均未能草創厥事乙丑

冬回任邑中諸紳耆亦以此為
必不可已之舉銀即倡捐經費
於丙寅孟夏朔日設立修志總
局諸紳耆承派在局者四鄉采
訪按時以草冊送閱一面延請
浙東徐春臞進士與本學學博

郭瞻亭孝廉幕賓劉伯卿詳加
參訂按乾隆間舊志醢疵參半
鋌不敢自以為是蔑視前人惟

歷年久而門類又多必須博采
廣搜存真去偽因革損益間競
競焉慎益加慎期為一邑信史

以備後世參稽計凡增者十之
四刪者十之一改者十之王雖
不敢自稱完善而事必徵信總
求無愧此心今而後如餽之不
習為吏者亦庶幾視已成之事
知所觀法得以資政治而勵風

俗焉是為序

同治五年歲次丙寅知府銜候
補直隸州知州知滑縣事皖桐
姚錕撰

重修滑縣志序

脩史之難無過於志故司馬光謂李延壽
書為近世佳史猶恨其不作志使數代制
度因革損益漸滅無傳則志書之作洵不
可廢嘗攷周禮小史掌邦國之志外令掌
四方之志今之郡邑志猶古遺意也滑之

志肇於元時宋忠肅公為東郡志隸山東
道非縣志也明嘉靖崑崙張公得東郡志
遺本始撰脩之而滑在有明更隸京師北
直雖夷為縣仍畿甸也我朝順治康熙
間踵脩者有厯城王公古吳姚公而國
初仍明制之舊屬縣於大名統隸既有異

同徵引究存疑信則滑志猶未允協也自
雍正三年改撥豫之衛郡乾隆中吳都吳
公松客山陽呂公炳星先後來宰滑始取
舊志釐定之曰滑縣志然後古今建置之
沿革山川疆域之分劃隄防水潦之疏濬
田畝租賦之輸將以及歷代名賢鄉曲列

女隱逸方技之士水陸華實之毛靡不繁
采富收詳明該洽則滑志之有資於吳呂
二公也實甚顧溯纂脩距今百有餘年矣
中經兵燹燔蕩滋多雖 國家右文寢昌
集書日廣不以校訂為難而百年來風化
之轉移戶籍之增衍其間事實月異而歲

不同苟脩舉曠時鮮不廢墜是以前任姚
大令鑑冰集都人士而議重輯之而以筆
削之任屬之徐春癰大令郭瞻亭廣文刊
刷未成余適檄調是邑覽其書喜其設辭
之無翫骹也紀事之無蕪穢也宜增宜汰
從略從詳燦然脩理永彰茂實迺為綴數

言於簡端使後之覽者循夫營室東壁之
紀野金堤鰲嶺之袤延控引乎太行邈迤
乎澶濮而慨然想天雄藩鎮山河營衛之
險阨也四境之遠益思所以靖奠之審夫
民質柔脆地壤膏腴士多燕趙慷慨之風
野習耕鋤災輟之苦而悠然見康叔武公

食德服疇之遺留也四郊之氓益思所以
教育之又訪夫天臺故道瓠子舊宮賈讓
治河之書埽兵挑淺之役而惻然念楫櫓
轉運委薪輸茭之煩疲也兩河之患益思
所以宣洩而儲蓄之則是書又不特滑臺
史乘之徵而實良有司圖治之借鑑已時

同治六年歲次丁卯春三月上浣之吉

知府用免補同知汲縣知縣調署滑縣事

己酉科拔貢宣化唐咸仰謹序

滑縣志目錄

卷一

纂修姓氏

圖說

凡例

建置沿革

附疆域形勝

卷二

山川

封建

城池

附街市關梁

卷三

公署

坊表